
AKT THEMELIMI DHE STATUTI I
SHOQËRISË ME PËRGJEGJËSI TË KUFIZUAR
"TEXALB-T" SHPK

A handwritten signature in blue ink, consisting of stylized, overlapping loops and curves, positioned centrally below the title.

EMËRTIMI – SELIA – KOHËZGJATJA

NENI 1.

KRIJIMI, EMËRTIMI I SHOQËRISË.

1.1 Krijohet shoqëria me përgjegjësi të kufizuar me emërtimin “TEXALB-T” shpk në vijim e quajtur “Shoqëria” ne daten 06.06.2022

1.2. Shoqëria themelohet si shoqëri me përgjegjësi të kufizuar identifikuar në përputhje me legjislacionin shqiptar në fuqi.

NENI 2.

SELIA.

2.1 Selia e Shoqërisë ndodhet në adresën nr pasurie 46/34/1 , Zone kadastrale 1812, Zona industriale Mamuras - Laç.

2.2 Me vendim të Asamblesë së Ortakëve mund të hape zyra përfaqësie, degë, dhe/ose të krijoje filiale brenda dhe jashtë Republikës së Shqipërisë.

NENI 3.

KOHËZGJATJA.

3.1 Shoqëria do të zhvilloje aktivitetin e saj për një periudhe kohore me afat te papërcaktuar, në përputhje me legjislacionin shqiptar në fuqi, duke filluar nga rregjistrimi i saj në Qendrën Kombëtare të Biznesit.


NENI 4.

OBJEKTI I SHOQËRISË.

4.1 Shoqëria ka për objekt të saj kryerjen dhe marrjen pjesë në të gjitha aktivitetet që një shoqëri me përgjegjësi të kufizuar mund të ushtrojë në bazë të legjislacionit shqiptar, dhe në veçanti:

- Prodhim industrial, rrobaqepesi, konfeksionim veshjesh te ndryshme, tregtimi me shumice dhe pakice i artikujve te ndryshem te konsumit te gjere industrial, veshjesh, zhvillimin e import eksporteve te mallrave te ndryshem si industriale, materiale te ndryshme ndertimi, produkte druri dhe mobilje, makineri dhe pajisje. Fason qe punon me autorizim te rregjimit te perpunimit aktiv (RPA).

4.2 Për të arritur objektin te saj, Shoqëria, me vendim te Asamblesë mund te realizojë drejtpërdrejtë apo në mënyrë të tërthortë çdo lloj pjesëmarrje në shoqëri të tjera shqiptare apo të huaja.



4.3 Shoqëria, dhe me qëllim arritjen e objektit të saj, mund të lidhë marrëveshje tregtare apo bashkëpunimi me shoqëri apo ndërmarrje të tjera, si dhe të kryejë çdo veprim tregtar që do ta konsiderojë të nevojshëm.

KAPITALI. PASURIA DHE FINANCIMI I SHOQËRISË

NENI 5. KAPITALI THEMELTAR.

5.1 Kapitali themeltar i shoqërisë është 10,000 lek, i ndarë në 1 kuotë. Kapitali mund të zmadhohet ose zvogëlohet në përputhje me legjislacionin në fuqi.

NENI 6. ORTAKËT.

6.1 Kapitali i shoqërisë zotërohet nga ortaku i vetëm :

- Shila Tafaj, shtetase shqiptare, i lindur me date 14/02/1996, ne Tirane, identifikuar me nr. personal J65214047B, madhor e me zotesi te plote juridike per te vepruar. Zoterues i 1 (nje) kuote me vlere 10,000 leke qe perben 100% te kapitalit themeltar te shoqerise.

NENI 7. TRANSFERIMI I KUOTAVE.

7.1 Kuotat janë lirisht të transferueshme pa miratim paraprak të asamblesë së ortakëve.

7.2 Transferimi i kuotave duhet të realizohet në përputhje me ligjin dhe të regjistrohet në QKB sipas parashikimeve ligjore.



NENI 8.

FINANCIMI I SHOQËRISË.

8.1. Shoqëria me qellim arritjen e objektit të saj, do të kërkojë financimin nëpërmjet mënyrave ligjore si kredi bankare, hua, financim nga ortakët dhe çdo formë tjetër ligjore.

NENI 9.

ORGANET E SHOQËRISË.

9.1 Organet e Shoqërisë janë:

- Administratori,
- Asambleja e Ortakëve.

NENI 10.

ADMINISTRATORËT


FUNKSIONET DHE KOMPETENCAT.

10.1 Shoqëria administrohet nga 1 (një) Administrator. Administratori është i autorizuar të kryejë të gjitha veprimet tregtare të shoqërisë pa kufizim kompetencash, përveç atyre që ligji, akti i themelimit dhe statuti ja ngarkon Asamblesë së Ortakëve.

10.2 Administratori i shoqërisë kryen administrimin e zakonshëm dhe të jashtëzakonshëm të shoqërisë. Shoqëria ka si administrator Znj. Shila Tafaj, shtetase shqiptare, i lindur me datë 14/02/1996, në Tiranë, identifikuar me nr personal J65214047B, madhor e me zotesi të plote juridike për të vepruar.

10.3 Administratori ka të gjitha kompetencat për përfaqësuar shoqërinë në marrëdhënie me të tretët. Ai vepron në emër të shoqërisë dhe nënshkruan çdo dokument të shoqërisë. Administratori nuk ushtron kompetencat që ligji ose aktet e shoqërisë ja japin shprehimisht Asamblesë së Ortakëve. Administratori emërohet për një afat 5 vjeçar me të drejtë rizgjedhje.

10.4 Administratori mund të autorizoj një person të kryejë veprim në QKB si depozitim aktesh, vendimesh, bilance, statutit dhe çdo akte tjetër.



10.5. Administratori përfiton shpërblim/pagesa për punën e tyre me në masën e përcaktuar me vendim të asamblesë së ortakëve.

10.6. Administratori ka të drejtë të delegojë aksionerit të gjitha të drejtat sikur të ishte ai vet në lidhje me të gjitha institucionet financiare, drejtoritë e tatimeve, bankat etj .

NENI 11.

ASAMBLEJA E ORTAKËVE.

11.1. Asambleja e Ortakëve është organi më i lartë i shoqërisë dhe vendos për çdo çështje që ligji ose ky statut ia rezervon asaj. Vendimet e Asamblesë janë të detyrueshme të zbatohen nga organet e shoqërisë.

11.2. Mbledhjet e Asamblesë së Ortakëve organizohen në përputhje me dispozitat ligjore në fuqi.

11.3. Asambleja zhvillohet në mënyrë të rregullt dhe vendos në mënyrë të rregullt sipas kuoromit të parashikuar nga ligji.

11.4. Mbledhjet e Asamblesë zhvillohen normalisht në selinë e shoqërisë por, me vendim të saj in Asambleja mund të mbledhet edhe në një vend tjetër brenda ose jashtë Shqipërisë.

11.5. Ortakët njoftohen për mbledhjen e asamblesë të paktën 7 dite përpara dhe duhet të marrin njoftimin për datën, orën, vendin, rendin e ditës dhe të marrin kopjen e dokumenteve që lidhen me rendin e ditës.

11.6. Mbledhjet e Asamblesë së Ortakëve mund të thirren nga Administratori/administratorët, ose nga subjekte të parashikuar në ligj.

NENI 12.

VITI FINANCIAR.

12.1. Viti financiar i shoqërisë fillon me 1 janar dhe mbaron me 31 dhjetor.

12.2. Bilanci i shoqërisë mbahet në përputhje me ligjin, miratimi dhe cdo veprim tjetër merret në përputhje me parashikimet ligjore.



NENI 13.

PRISHJA DHE LIKUIDIMI I SHOQËRISË.

13.1. Procedura e likuidimit e parashikuar ne ligjin nr. 9901, date 22.04.2008 “Për Tregtaret dhe Shoqëritë Tregtare” zbatohet ne rastin e prishjes se shoqërisë.

13.2. Shoqëria priset ne rastet e mëposhtëme: me vendim të asamblesë; me hapjen e procedurave të falimentimit; me vendim gjykate; dhe për çdo arsye tjetër parashikuar në akte të shoqërisë ose në legjislacionin shqiptar.

DISPOZITA PËRFUNDIMTARE

NENI 14.

LIGJI I ZBATUESHËM.

14.1. Shoqëria do te kryeje veprimtarinë e saj ne përputhje me këtë statut dhe me parashikimet e ligjeve shqiptare. Për sa nuk është parashikuar ne këtë statut do te zbatohet ligji shqiptar nr. 9901, date 22.04.2008 “Për Tregtaret dhe Shoqëritë Tregtare”.

14.2. Ky akt themelimi dhe statut hartohet dhe nënshkruhet ne 5 kopje origjinale sot më **06.06.2022, në Tirane.**

Ortaku

SHILA TAJAJ

Shila Tajaj
